

**Reglamento temporal di Secretario di Estado di Asunto Interno y Relacion den Reino
conteniendo subsidio di iniciativa social pasado di sclavitud Trans-Atlantico pa parti
Caribense di Reino**

Secretado di Estado di Asunto Interno y Relacion den Reino y Minister di Asunto Interno y Relacion den Reino;

Manehando di acuerdo cu Minister Presidente, Minister di Asunto General, Minister di Enseñansa, Cultura y Ciencia, Minister di Asunto Social y Oportunidad di Trabou, Minister di Asunto Stranhero, Minister di Finansa, Minister pa Proteccion Legal y Secretario di Estado di Salubridad, Bienestar y Deporte;

Tumando cuenta cu articulo 2, di dos parafo, 3, di prome y di dos parafo, y 4, di prome y di dos parafo, di Kaderwet pa subsidio di Asunto Interno y Relacion den Reino y articulo 6, di shete parafo, 8, di prome y di dos parafo, 10, 11, di prome, di dos y di tres parafo, 14, 20, 24, di cinco parafo, di Kaderbesluit BZK-subsidies;

Decision:

Articulo 1. Definicion di terminologia

Den e reglamento aki ta comprende bou di:

Partinan Caribense di Reino: Curaçao, Aruba, Sint-Maarten, Boneiro, Sint-Eustatius y Saba.

Comision: e comision, manera menciona den articulo 11, di prome parafo;

Comunidad: Ta trata di descendente di esnan haci catibo y e grupo di hende cu ken nan ta comparti caracteristica, interes of cu tin un sentido di unidad of conexion interpersonal.

Organizacion grassroots: organizacion, instituto cultural of social sin fin di lucro (fundacion of asociacion), cu a surgi riba nivel local for di comunidad di descendencia di esnan haci catibo, y ta organisa pa trata specificamente asunto relaciona cu pasado di sclavitud na beneficio di descendencia di esnan haci catibo.

Minister: Minister di Asunto Interno y Relacion den Reino;

Descendente di esnan haci catibo: E generacionnan cu a resulta for di generacion di hende Africano, indigena for di America y Marrons, cu for di 1528 pa te cu 1863/1873 a keda haci catibo.

Pasado di sclavitud Trans-Atlantico: Epoca historico (respectivamente for di principio di siglo 16 te fin di siglo 19) den cua miyones di hende, mayoria for di Africa, a keda castra, trafica y haci catibo, y despues a wordo obliga pa traha riba plantacion, den mina y den otro sector, specificamente na Merca (Nort y Sur America), Africa y parti di Europa.

Aliansa di colaboracion: un colaboracion entre minimo un of mas (isla)nan den e partinan Caribense di Reino.

Articulo 2. Meta di subsidio

Minister por duna subsidio pa iniciativa cu ta beneficia descendencia di esnan haci catibo den e parti Caribense di Reino, cu segun disculpa haci pa e pasado colonial di sclavitud, ta tene un of mas di e siguiente metanan:

- a. Un miho comprehension di e impacto di pasado di sclavitud y prevencion di e consecuencianan di impacto di pasado di sclavitud den presente;
- b. E proceso di efecto di pasado di sclavitud;
- c. Fomenta conocemento y conscientisacion tocante pasado di sclavitud; of
- d. Reconocimento y conmemoracion di pasado di sclavitud.

Articulo 3. Plafon di subsidio

1. Minister lo pone disponibel un suma di €33.333.333,33 durante e periodo di 1^e di juli 2024 te 1^e di juli 2029, cantidad cu lo wordo reparti den periodo di aplicacion fiha pa e minister cu plafon di subsidio separadamente pa cada periodo di aplicacion y cada parti Caribense di Reino.
2. E posibilidad pa entrega di aplicacion pa subsidio ta existi solamente durante periodo di aplicacion establece pa e minister.

Articulo 4. Periodo di aplicacion

1. E prome periodo di aplicacion ta cubri di 1^e di juli 2024 te 1^e di september 2024 y ta destina pa aplicacion manera menciona den articulo 5. Den e periodo aki ta aplica:
 - a. e plafon di subsidio pa aplicacion na Curaçao ta: €555.555,55
 - b. e plafon di subsidio pa aplicacion na Aruba ta: €555.555,55
 - c. e plafon di subsidio pa aplicacion na Sint-Maarten ta: €555.555,55
 - d. e plafon di subsidio pa aplicacion na Boneiro ta: €555.555,55
 - e. e plafon di subsidio pa aplicacion na Saba ta: €555.555,55
 - f. e plafon di subsidio pa aplicacion na Sint-Eustatius ta: €555.555,55
2. E di dos periodo di aplicacion ta cubri di 1^e di october 2024 te 1^e di aprel 2025 y ta destina pa aplicacion manera menciona den articulo 5. Den e periodo aki ta aplica:
 - a. e plafon di subsidio pa aplicacion na Curaçao ta: €555.555,55
 - b. e plafon di subsidio pa aplicacion na Aruba ta: €555.555,55
 - c. e plafon di subsidio pa aplicacion na Sint-Maarten ta: €555.555,55
 - d. e plafon di subsidio pa aplicacion na Boneiro ta: €555.555,55
 - e. e plafon di subsidio pa aplicacion na Saba ta: €555.555,55
 - f. e plafon di subsidio pa aplicacion na Sint-Eustatius ta: €555.555,55
3. E di tres periodo di aplicacion ta cubri di 1 di mei 2025 te 1 di september 2025 y ta destina pa aplicacion manera menciona den articulo 5. Den e periodo aki ta aplica:
 - a. e plafon di subsidio pa aplicacion na Curaçao ta: €555.555,55
 - b. e plafon di subsidio pa aplicacion na Aruba ta: €555.555,55
 - c. e plafon di subsidio pa aplicacion na Sint-Maarten ta: €555.555,55
 - d. e plafon di subsidio pa aplicacion na Boneiro ta: €555.555,55
 - e. e plafon di subsidio pa aplicacion na Saba ta: €555.555,55
 - f. e plafon di subsidio pa aplicacion na Sint-Eustatius ta: €555.555,55
4. Si e plafonnan di subsidio di e prome periodo no wordo utilisa completamente, e minister por uza e restante di e medionan pa aplicacion den e di dos periodo di aplicacion.
5. Si e plafonnan di subsidio di e di dos periodo di aplicacion no wordo utilisa completamente, e minister por uza e restante di e medionan pa aplicacion den e di tres periodo di aplicacion.
6. Despues di e di tres periodo di aplicacion, ta sigui ainda minimo cinco periodo di aplicacion. Minister ta haci comunicado di e fiamento di e periodo di aplicacion den Staatscourant y Staatsbladen mencionando e destinacion y e plafon di subsidio pa e periodo di aplicacion corespondiente.

Articulo 5. Actividad cu ta cualifica pa subsidio

1. Minister ta duna subsidio pa actividad pa profesionalisa organizacion den e partinan Caribense di Reino cu ta traha pa logra e metanan menciona den articulo 2.
2. Minister ta duna subsidio pa iniciativa social den e partinan Caribense di Reino cu ta enfocariba reforsamento di e comunidad y/o cu tin impacto riba e metanan menciona den articulo 2.

Articulo 6. Aplicante

1. E aplicantenan no ta gobierno. Pues no ta duna subsidio na gobierno di Curaçao, Aruba y Sint-Maarten of na e bestuurscollege di Boneiro, Saba of Sint-Eustatius.

2. Partido priva y persona natural cu ta regista den e partinan Caribense di Reino ta cualifica pa subsidio.
3. No ta duna subsidio na aplicante segun articulo 5, di dos parafo, na persona natural.

Articulo 7. Aliansa di colaboracion

1. Organisacion di diferente isla por forma parti di un aliansa di colaboracion.
2. Colaboracion ta keda regista den un acuerdo di colaboracion firma pa tur partido di e aliansa di colaboracion, caminda un aplicante principal ta designa pa representa aliansa di colaboracion legalmente den y fo'i corte.
3. Location di e aplicante principal ta determina cua plafon di subsidio ta aplica pa e aplicacion.
4. Minister ta dispone un modelo pa e acuerdo di colaboracion menciona den e di dos parafo electronicamente. Esaki ta disponibel na Papiamentu, Papiamento, Ingles y Hulandes.

Articulo 8. Montante di subsidio

1. Subsidio segun articulo 5, di prome parafo, ta consisti di un voucher di €10.000,-.
2. Subsidio segun articulo 5, di dos parafo, ta consisti di 100% di e gastonan subsidiabel di minimo €10.000,- y maximo €500.000,-.

Articulo 9. Aplicacion pa subsidio

1. Aplicacion ta entrega uzando un formulario poni disponibel electronicamente pa minister. E formulario ta disponibel na Ingles, Papiamentu, Papiamento y Hulandes.
2. Un aplicacion segun articulo 5, di di dos parafo, ta contene, aparte di e datonan y documento menciona den articulo 11, di di tres parafo, di e Kaderbesluit BZK-subsidies minimo (p.e. e criterionan di drempel pa aplicacion di subsidio ta controla pa):
 - a. un bista general di e actividadnan pa cua e subsidio ta pidi cu descripcion di e partidonan implica y e gastonan cu e actividadnan aki ta nifica;
 - b. un planning di tempo di e actividad cu e fecha di comienzo y fecha di cumplimento spera di plan di actividad;
 - c. number di cuenta bancario caminda e suma di subsidio mester wordo deposita, incluso extracto di banco caminda nomber di aplicante principal y number di cuenta bancario ta visibel.
3. Aplicacion pa subsidio cu ta incumpli, den 2 siman despues di notificacion di minister cu e aplicacion ta incumpli, por complementa pa aplicante principal.

Articulo 10. Ranking di e aplicacionnan

1. Minister ta evalua tur aplicacion completa entrega den un periodo di aplicacion y ta traha un ranking di e aplicacionnan a base di e criterionan di evaluacion menciona den articulo 12.
2. Orden di aplicacion segun articulo 5, di prome parafo, y aplicacion cu ta mas abou cu €25.000,- segun articulo 5, di di dos parafo, ta wordo haci door di loting si e plafon di subsidio ta supera.
3. Orden di aplicacion segun articulo 5, di di dos parafo, di €25.000,- te mas tanto €500.000,- ta tuma luga a base di e medida den cu e aplicacionnan ta sirbi e metanan menciona den articulo 2, tene cuenta cu un conseho di e Comision di Conseho.

Articulo 11. Comision di Conseho

1. Tin un comision cu ta conseha minister tocante aplicacion di articulo 10, di tres seccion, basa riba un evaluacion di e criterionan di evaluacion manera stipula den articulo 12.
2. E comision ta entrega un conseho skirbi na minister den 4 siman despues di clausura di e periodo di aplicacion.
3. Minister ta dicidi tocante e aplicacion teniendo cuenta cu e conseho di e comision di conseho.

Articulo 12. Criterionan di Evaluacion

Calidad di un peticion di subsidio basa riba articulo 5, di dos seccion, di €25.000 y mas cu no ta excede di €500.000, ta determina basa riba e siguiente criterionan di evaluacion, cu ta enumera den orden di nan importancia relativo:

- a. E medida cu un actividad ta contribui na e metanan menciona den articulo 2, di promesa seccion.
- b. E cantidad di persona cu ta alcansa directamente of indirectamente cu e proyecto.
- c. E medida caminda e proyecto ta beneficia descendencia di hende cu a ser sclavisa.
- d. E factibilidad di e actividadnan.
- e. E amplitud di e actividad relaciona cu e gastonan conecta cu ne.
- f. E medida caminda ta busca cooperacion y conexion cu organizacion grassroots.

Articulo 13. Motibo pa rechaso

Minister ta rechasa un aplicacion pa un subsidio si of pa loke ta:

- a. Proyecto ta bay contra ley y regulacion di Hulanda;
- b. Subsidio no ta beneficia, directamente of indirectamente, e metanan menciona den articulo 2.
- c. E cantidad di subsidio pidi ta resulta den un sobrepaso di e plafon di subsidio fiha den articulo 4.
- d. Proyecto tin un duracion di mas cu 6 aña;
- e. E aplicacion ta relata na gasto adicional cu ta necesario pa realisa un iniciativa;
- f. Proyecto ya a ricibi subsidio bou di e reglamento aki;
- g. Si aplicabel, falta un acuerdo di colaboracion.

Articulo 14. Forma di duna subsidio

1. Den dunamento di un subsidio bou di articulo 5, di promesa parafo, di e reglamento aki, ta duna un decreto di fihamento di subsidio directamente.
2. Dunando subsidio entre €10.000,- pa €25.000,- bou di articulo 5, di dos parafo, ta duna un decreto di otorgamento di subsidio cu mencion di fecha cu e actividadnan mester keda termina mas tarda y di e fecha riba cual e subsidio mester a keda fiha di gubernamentalmente.
3. Dunado subsidio entre €25.000,- te €500.000,- bou di articulo 5, di dos parafo, e subsidio ta duna den forma di un suma fiho basa riba dato presenta hunto cu e aplicacion. Un decision di otrogamento di subsidio ta duna cu mencion di fecha cu e actividadnan mester keda termina mas tarda y e momento cu un aplicacion pa un decreto di aplicacion di subsidio mester wordo entrega.
4. No ta cualifica pa subsidio:
 - a. Gasto di explotacion;
 - b. Gasto cu tin caracter di pagamento di recuperacion, compensacion of schadeloosstelling;
 - c. Gasto pro memorie;
 - d. Gasto imprevisto.

Articulo 15. Obligacion di beneficiario di subsidio

Ademas di e obligacionnan menciona den Kaderbesluit BZK-subsidies, e beneficiario di subsidio tin obligacion pa:

- a. Busca pa realisa e metanan stipula den e aplicacion di un manera efectivo;
- b. Mantene un administracion cla y efectivo y e administracion ta mustra un imagen husto, completo y actual di e posicion financiero di e aplicante principal y entrada y gasto relata cu e actividad subsidia.

Articulo 16. Ehecucion

1. E reglamento aki ta drenta na vigor di e dianan despues for di e fecha di publicacion den Staatscourant y ta caduca te cu 1 di juli 2029 00:00or di Hulanda.
2. Contrario na di dos parafo di e reglamento aki, manera e ta na 30 di juli 2029, di aplicacion riba tratamiento di aplicacion pa subsidio y fihamento di subsidio a base di e reglamento aki.

E reglamento aki lo wordo publica cu e splicacion den Staatscourant y Staatsbladen di Aruba, Curaçao y Sint-Maarten.

Secretario di Estado di Asunto Interno y Relacion den Reino

Aclaracion

I. Parti general

1. Motivo y background

Riba 19 di decembre 2022, Minister Presidente na nomber di e gobiernonan a pidi disculpa pa e accionnan di Hulanda den pasado relaciona cu e pasado di sclavitud. Fundeshi di e disculpa aki tabata e rapport di investigacion Ketenen van het verleden¹ presenta pa Grupo di Dialogo di Pasado di sclavitud na juli 2021. E grupo di dialogo a enfoca riba e influencia di pasado di sclavitud Trans-Atlantico den comunidad di awe y e investigacion tabata dirigi riba reconocimento y integracion mas amplio di e pasado comparti. Paralelamente cu e disculpa, den reaccion di kabinet riba e rapport (y su anexo cu aporte specifico di cada isla)² a haci un cantidad di compromiso pa elaboracion di e consehonian pa traha futuro maneho enfoca riba reconocimento, procesamiento y rehabilitacion social. Den e reaccion di kabinet aki, kabinet a anuncia un reglamento pa subsidio pa iniciativa comunitario dirigi na:

- Conocimiento y conscientisacion di pasado di sclavitud Trans-Atlantico;
- Reconocimento y conmemoracion;
- Un miho comprension di e influencia di pasado di sclavitud y su procesamiento.

Pa e reglamento pa subsidio aki, un suma di €100 miyon euro a wordo poni disponibel un baha. E scope di e fondonan di cual e reglamento pa subsidio pa iniciativa comunitario ta forma parti ta pasado di sclavitud Trans-Atlantico; specificamente pa partido priva y persona natural di henter Reino Hulandes y pa Suriname³. Den esaki, kabinet a pone como meta pa tin un balansa geografico den uzo di e medionan, tene cuenta cu e diferencianan den tempo, aanpak y organizacion, y husticia ta haci na e necesidadnan specifico for di diferente comunidad.

Dentro di e cuadro aki, e grupo di stuurgroep ministerial di 29 di september 2023, a dicidi pa dividir e suma disponibel di €100 miyon pa e reglamento di iniciativa comunitario den tres parti: €33 miyon pa respectivamente (Europa) Hulanda, e parti Caribense di Reino y Suriname⁴. E enfoke aki ta duna e oportunidad pa adapta segun e area geografico, unda pa cada area ta desaroya un reglamento adecua cu respet pa e metodologia local, proceso y tempo. E reglamento aki ta trata tocante e reglamento di iniciativa comunitario relaciona cu e pasado di sclavitud Trans-Atlantico pa e parti Caribense di Reino Hulandes.

2. Liña principal di e reglamento aki

Punto di salida

Punto di salida pa e reglamento pa subsidio pa e partinan Caribense di Reino ta sali for di e rapport "Ketenen van het verleden" - particularmente su anexo cu aporte for di e islanan - e reaccion di kabinet di 19 di decembre 2022 riba e rapport di Grupo di Dialogo slavernijverleden y e carta di progreso di 23 di juni 2023 "Carta di progreso pa e proceso di disculpa di pasado di sclavitud". Tambe, durante 2022 y 2023, a tene varios combersacion intensivo y constructivo cu comunidad, representante y gobierno di e islanan/paisnan den e partinan Caribense di Reino pa scohe nan aporte, manera tambe un sesion di Caribisch Catshuis na october 2023. Ta tene cuenta tambe cu e plan di CARICOM Ten Point Plan for Reparatory Justice⁵ den e reglamento aki.

Meta

Pa obtene subsidio, iniciativa comunitario ta cuminsa cu nan mester aporta substancialmente na alabes un di e metanan menciona den e reaccion di kabinet di 19 di decembre 2023:

¹ <https://open.overheid.nl/documenten/ronl-27c6068b-1705-49b1-b125-643b8905fd13/pdf>

² Tweede Kamer, añavdi reunion 2022-2023, 36 284, nr. 1 <https://open.overheid.nl/documenten/ronl-a6b18a9d980649083437fdc086c48125c608be46/pdf>

³ Tweede Kamer, añavdi reunion 2022-2023, 36 284, nr. 34 <https://open.overheid.nl/documenten/47c0453d-233e-42ce-99e2-b5badd641785/file>

⁴ [Slavernijverleden | Tweede Kamer der Staten-Generaal](#), nr. 36284-36.

⁵ CARICOM TEN POINT PLAN FOR REPARATORY JUSTICE [CARICOM_Ten-Point_Plan_for_Reparatory_Justice.pdf \(ohchr.org\)](#)

- Miho comprension di e influencia di e pasado di sclavitud y bay contra e consecuencianan di e influencia di e pasado di sclavitud den e presente;
- Procesamento di e pasado di sclavitud, comunitario y personal;
- Promocion di conocimiento y consenshi tocante pasado di sclavitud; of
- Reconocimento y commemoration di pasado di sclavitud.

Atencion special pa promocion di organisacion grassroots

Den e cuadro di e reglamento proponi pa iniciativa comunitario, nos ta aspira pa crea un clima incluyente y di sosten pa diferente comunidad local den e partinan Caribense di Reino. Enfasis specifico ta riba promocion di profesionalisacion y proyecto den organisacion grassroots, cu tanto biaha ta forma e nucleo di iniciativa local autentico. E organisacionnan aki, surgi for di base di comunidad di descendencia di esnan haci catibo, ta opera den contexto di e parti Caribense di Reino cu capacidad limita y un deficiencia di fondo pa desaroya nan mes y profesionalisa nan mes mas leu. Door di duna sosten dirigi na e iniciativanan grassroots aki, e reglamento aki no solamente tin como meta pa logra cambio duradero, sino tambe pa reforsa e resiliencia y contribucion den e comunidadhan.

Den e reglamento ta incorpora dos iniciativa pa promocion di organisacion grassroots:

1. Un voucher di profesionalisacion cu organisacion grassroots por uza pa reforsa y profesionalisa nan organisacion te cu un maximo di €10.000.
2. Organisacionnan grandi estableci cu ta copera cu organisacion grassroots pa nan iniciativa of cu ta inclui organisacion grassroots den nan proyecto lo ricibi un orden mas halto na momento di otorgamiento di subsidio. Esaki ta conta tambe pa e aplicacionnan cu ta bin di mas cu un isla pa proyecto cu ta crusa frontera di isla.

Reparticion di subsidio

E subsidio ta reparti den tres parti:

1. Un subsidio pa profesionalisacion di organisacion grassroots;
2. Un subsidio pa iniciativa cu ta reforsa comunidad;
3. Un subsidio pa iniciativa cu tin impacto substancial.

Pa e parti di subsidio pa iniciativa cu ta reforsa comunidad y e parti di subsidio pa iniciativa cu tin impacto substancial ta posibel pa un organisacion haci un aplicacion pa varios proyecto diferente den un mesun periodo y tambe pa un proyecto individual ta keda ehecuta pa varios año cu un maximo di cinco año. Tambe, e punto di salida pa cada tipo di aplicacion di subsidio ta cu nan por haci na tur idioma cu ta papia na e islanan den e parti Caribense di Reino: Ingles, Papiamentu, Papiamento y Hulandes.

Parti 1: Profesionalisacion di organisacion grassroots

E parti aki di e reglamento ta duna organisacion grassroots di descendencia y comunidad concerni e posibilidad pa profesionalisa y reforsa nan organisacion door di un voucher di profesionalisacion di un maximo di €10.000, caminda e otorgamiento ta tuma luga a base di loting. Den e splicacion di articulo pa articulo den articulo 10, e proceso aki ta specifica mas aleu.

E voucher aki ta destina pa diferente actividad cu ta dirigi riba reforsa e capacidad organizacional y durabilidad di e organisacionnan. Aki ta pensa den e siguiente posibilidadan, *no limita*:

- *Construccion di Capacidad*: Sosten pa tayer y training dirigi riba crecimiento di habilidad y conocemento di miembro di directiva y personal. Esaki ta inclui tambe asistencia den establecimiento di structura di directiva efectivo y maneho financiero y ta aplicabel tambe na e fundacion di un organisacion y e accionnan cu ta bin cu ne, manera registracion na Camara di Comercio y redaccion di statuto.
- *Promocion di formacion di red*: Posibilidad pa organisa y reforsa aliansa, causa cu ta resulta den conexion mas miho di organisacion cu partner relevante y entre nan mesun.
- *Acceso na recurso*: Haya conseho y informacion na midi tocante posibilidad di subsidio y financiamiento existente, manera tambe asistencia den skirbi aplicacion di subsidio exitoso.

- *Sosten Tecnico*: Training den uso di tecnologia y herment moderno, cu meta di optimisa digitalisacion den e organisacion.
- *Marketing y Visibilidad*: Desaroyo di strategia efectivo di marketing y comunicacion pa aumenta visibilidad di e organisacion, pa nan por engrandece su impacto.
- *Conseho riba Durabilidad*: Sosten na desaroyo di modelo di financiamiento duradero a largo plaso, cu ta stimula continuidad y independencia di e organisacionnan.

E diversidad di posibilidad di sosten ta duna organisacion e oportunidad pa tuma paso personalisa pa un futuro reforsa y resistente.

Parti 2: Iniciativa pa reforsa comunidad

E parti aki di e reglamento ta inclui iniciativa pa reforsa comunidad (Community Resilience Initiatives), cu tin como meta promove resiliencia den comunidad di descendencia di esnan haci catibo y di celebra nan resiliencia den e parti Caribense di Reino. Den e segmento aki di e reglamento, tin dos opcion di subsidio disponibel: un subsidio 'chikito' entre €10.000 y €25.000, cu ta otorga a base di loting, y un subsidio 'grandi' cu ta varia entre €25.000 y €125.000, evalua y ordena pa un comision di conseho. Persona cu a ricibi un voucher di profesionalisacion por haci tambe un aplicacion for di aña t+1 den e categorianan aki.

E iniciativanan aki por inclui entre otro diferente meta *no limita*:

- *Coherencia Social y Formacion di Red*: Organisacion di encuentro y evento di comunidad cu meta di sanacion y recuperacion den diferente comunidad, unda enfasis ta poni riba uni miembro di comunidad, promocion di coherencia social y verwerking social y personal di e impacto di e pasado di sclavitud.
- *Educacion y Conscientisacion*:
 - Desaroyo di programa dirigi pa amplia conocemento tocante propio pasado di sclavitud y conscientisacion di e impacto cu tin riba patronchi individual y comunitario;
 - Iniciativa educativo dirigi na conscientisacion, comprension y empowerment;
 - Programa di enseñansa y informacion pa reforsa resiliencia di comunidad contra discriminacion y racismo, cu enfasis riba empowerment, enseñansa y soste den situacion di discriminacion.
- *Proyecto di comunidad*: Financiamiento di proyecto guia pa comunidad cu ta enfoca riba comparti nan historia y experencia relaciona cu sclavitud, pero tambe conmemoracion di esaki.
- *Desaroyo conhunto di plan y proyecto cu impacto substancial*:
 - Empowerment economico di comunidad;
 - Conscientisacion, enseñansa y empowerment tocante e impacto di pasado di sclavitud riba salud mental y fisico di descendencia;
 - Formacion di red profesional den comunidad;
 - Campaña di informacion tocante salud;
 - Proyecto di promocion di bienestar den comunidad, manera deporte, por ehempel.
- *Programa educativo y desaroyo di material di enseñansa tocante nan propio pasado di sclavitud*: Desaroyo di programa educativo compleho pa comunidad, incluyendo material di enseñansa y tayer interactivo. Aki ta inclui tambe desaroyo di material relevante pa enseñansa, manera estudio cu ta necesario pa e material di enseñansa aki.
- *Organisacion di Lezing, Seminario y Discusion di Panel cu Caracter Internacional*: Facilitacion di evento cu ta stimula dialogo y comprension door di conferencia, seminario y discusion di panel cu caracter internacional.

- *Plataforma Digital:* Desaroyo di website, aplicacion of tour virtual cu ta ofrece informacion y material educativo tocante pasado di sclavitud.

Parti 3: Iniciativa cu impacto substancial

Parti 3 di e reglamento ta inclui iniciativa cu tin impacto substancial, destina pa proyecto grandi cu ta duna un contribucion significante na crecimiento di conocemento, conscientisacion, reconocimento, celebracion y enfoke riba impacto di pasado di sclavitud. Pa e categoria aki, aplicacion por wordo haci entre €125.000 y €500.000. Evaluacion y ordenacion di e aplicacionnan ta ehecta pa un comision di conseho.

E proyectonan aki ta spera di tin un impacto profundo y duradero riba meta di reglamento y ta contribui na conscientisacion y transformacion mas amplio den comunidad tocante pasado di sclavitud. Tambe ta streef pa promove colaboracion entre isla, manera tambe entre organizacion mas grandi y grassroot.

Comision di Conseho

Pa e proceso di otorgamento di subsidio di for di €25.000,- pa dilanti, ta haci uzo di un comision di conseho diverso y independiente pa evalua e aplicacion y otorga e subsidionan, y duna conseho tocante contenido y ordenacion di e aplicacionnan a base di e criterionan di evaluacion cu ta menciona den articulo 12. Asina ta asegura cu no solamente e iniciativanan fiha cu ta exitoso den proceso di aplicacion di subsidio tin chens pa ricibi e fondonan, pero tambe e partidonan cu proyecto impactante cu ta menos experencia den aplicacion di subsidio por tin accesibilidad na e fondonan di e reglamento aki. Advies di e conseho riba un aplicacion ta wordo comparti por escrito cu e Secretario di Estado di Asunto Interior y Relacion di Reino. E decision final ta wordo tuma pa e Secretario di Estado tene cuenta cu e conseho.

Ora scohe e miembrongan di e Comision di conseho, ta tuma e siguiente perfil na cuenta:

- *Experiencia den cooperacion cu organisacion grassroots:* Miembro di e comision di conseho mester tin experencia den traha cu y/of sostene organisacion grassroots. Esaki ta inclui un comprension di e desafionan y oportunidad cu ta surgi pa organizacionnan asina.
- *Conocimiento di iniciativa social:* E miembrongan mester tin un conocemento amplio di iniciativa social, preferiblemente cu un enfoke riba proyecto relaciona cu pasado di sclavitud. Esaki por inclui proyecto educativo, cultural, y social.
- *Expertisio riba tereno di trabou social:* Un background riba tereno di trabou social, manera experencia den trabou social, estudio cultural, historia, of tereno relaciona ta deseabel. Esaki ta yuda comprende e contexto mas amplio di iniciativa social y nan impacto.
- *Conocimiento di comunidad di descendencia y afinidad of conexion cu e parti Caribense di Reino:* Esaki ta inclui comprension di nan historia, cultura, idioma (manera Hulandes, Papiamento), desafio y necesidad.
- *Independencia y imparcialidad:* Miembro mester ta independiente y imparcial, pa nan por evalua e aplicacionnan presenta di forma obhetivo sin conflicto di interes. Contando cu e tamaho reduci di e islantan, ta duna e miembrongan di e Comision di conseho e oportunidad pa ta envolvi den e aplicacionnan presenta di e diferente isla-/paisnan den e parti Caribense di Reino. Si e situacion aki surgi, ta spera di e miembro concerni di e comision di conseho cu e no ta duna conseho tocante e aplicacion (parcialmente propio).
- *Diversidad y Representacion:* E composicion di e comision di conseho mester ta diverso pa garantisa un variedad amplio di perspectiva y experencia, incluyendo representacion di diferente background cultural, edad, y disciplina. Mester tin un representacion adecua di tur seis isla.
- *Envolvimento den derecho humano y husticia social:* envolvimento den derecho humano y husticia social ta un ventaha, specialmente relaciona cu pasado di sclavitud.

3. Cuadro juridico

E reglamento aki a ser formula a base di articulo 2, di dos parafo, di Kaderwet. Subsidio otorga bou di e reglamento aki ta otorga segun e reglanan di e decreto aki.

Ayudo di Estado

Durante formulacion di e reglamento pa subsidio aki, a tuma na cuenta ley y reglamentonan di UE tocante ayudo di Estado. Derecho di UE ta aplica limita pa e parti Caribense di Reino. E reglanan tocante ayudo di Estado no ta aplica pa empresa establece na e parti Caribense di Reino pasobra e islanan aki no ta forma parti di e mercado interno di UE. Den e reglamento pa subsidio a ser garantisa cu actividad subsidia solamente por tuma luga den e parti Caribense di Reino. Pa e motibo aki, no mester tuma mas cuenta cu e reglanan tocante ayudo di Estado.

E reglanan tocante ayudo di Estado ta aplica pa empresa cu ta activo economicamente na Hulanda Europeo. Si un subsidio ta ser otorga na un empresa cu ta activo na tanto na Hulanda Europeo como na e parti Caribense di Reino, mester tin un administracion separa. E administracion separa mester ser tene pa, di un banda, actividad cu ta tuma luga na e parti Caribense y, di otro banda, actividad den e parti Europeo. Fondo for di e reglamento pa subsidio aki solamente ta ser otorga pa actividad den e parti Caribense di Reino.

E mesun reglanan ta aplica tambe si un subsidio ta otorga na un empresa cu ta activo na tanto Sint-Maarten como e parti Frances Sint-Maarten. Sint-Maarten ta forma parti di e mercado interno di UE, caminda e reglanan tocante ayudo di Estado ta aplica.

4. Consecuencia financiero y deber administrativo

En total, tin €33.333.333,33 disponibel pa e reglamento pa subsidio pa iniciativa social tocante Pasado di Sclavitud Trans-Atlantico pa e periodo di 1 juli 2024 te cu 1 juli 2029. Pa cada boekjaar, tin un suma minimo di €555.555,50 y un suma maximo di €1.111.111,11 disponibel pa cada isla. Si e suma maximo den un boekjaar no ta ser utiliza completo, e suma restante lo wordo pasa pa e siguiente boekjaar.

Pagonan y voorschot

- Pa e aplicacionnan bou di parti 1, e voucher di profesionalisacion, e voorschot ta aplicabel manera describi den articulo 23, segun parafo, di e Kaderbesluit BZK-subsidies. Den esaki ta describi cu e pago di e suma di subsidio fiha ta tuma luga un biaha.
- Pa e subsidionan di €10.000,- te €25.000,- bou di articulo 5, di dos parafo, e voorschot ta regla manera describi den articulo 23, di dos parafo, di e Kaderbesluit BZK-subsidies. Den esaki ta describi cu un adelanto di 100% ta paga ora un decision di otorgamento di subsidio ta duna.
- Pa e otro subsidionan, di €25.000,- te cu €500.000,-, manera describi den e decision di otorgamento di subsidio ta inclui e forma di voorschot. E punto di salida aki ta un voorschot standard di 80%.

Responsabilisacion y fiamento di subsidio

Pa garantisa uso transparante y responsabel di e placa di subsidio, tin guia cla fiha pa responsabilisacion dentro di e reglamento. E reglanan general tocante responsabilisacion y fiamento di subsidio ta describi den articulo 24 di Kaderbesluit. Aplicacion pa fiamento di subsidio ta ser entrega haciendo uso di un formulario disponibel pa e proposito ey. E aplicacion ta entrega hunto cu un rapport final y, si aplicabel, un declaracion di control. Añaxo ta describi e verwachtingnan, dependiendo di e suma di subsidio otorga.

Rapport Final despues di caba actividad:

Cada un cu a ricibi un subsidio bou di articulo 5, di dos parafo, mester entrega un rapport final despues di caba e actividadnan. E rapport mester contene un bista general di e resultadonan logra, gasto di fondo, y e midi den cua e proyecto a contribui na e meta poni segun e condicionnan di subsidio. Pa e aplicacionnan pa voucher di profesionalisacion, ta conta un fiamento directo di subsidio; pa esaki no tin mester di un rapport final. Minister lo duna instruccion mas detaya tocante entrega y contenido di e rapport final den decision di subsidio.

Responsabilidad detaya pa subsidio riba €125.000:

Tur hende cu ricibi un subsidio basa riba articulo 5, di dos parafo, cu un suma mas halto cu €125.000, despues di terminacion di e proyecto subsidia mester entrega un responsabilisacion amplio. E responsabilisacion aki ta inclui e rapport final di e proyecto, cu un declaracion di control di cuenta di acuerdo cu articulo 4:78 di Algemene wet bestuursrecht. Instruccion adicional tocante e entrega y contenido di e rapport final lo ser proporciona pa e minister den e decision di subsidio.

Peso Administrativo⁶

E deber total administrativo (aplicacion y responsabilidad) ta bin⁷. Aki, ta basa riba un peso di **ora cu un tarifa di ora promedio di €***,-.

5. Realisacion

E puntonan di salida pa e reglamento pa subsidio pa e parti Caribense di Reino ta resulta for di e rapport 'Ketenen van het verleden' - specialmente su anexonan cu contribucion for di e islanan - e reaccion di kabinet di 19 di december 2022 riba e rapport di Dialooggroep slavernijverleden y voortgangsbrief di 23 di juni 2023 'Brief vervolgtraject excuses slavernijverleden'. Tambe, durante 2022 y 2023 tabatin varios combersacion intensivo y constructivo cu e comunidadnan y representante di e (isla)nan na e parti Caribense di Reino pa haña input, manera un Caribische Catshuissessie na october 2023. Tambe, den e reglamento aki ta tuma cuenta cu e CARICOM Ten Point Plan for Reparatory Justice.⁸

Tambe, a tene un consulta via internet pa e termino minimo standard di 30 dia for di 1 pa 31 di maart⁹ y e reglamento aki a ser evalua via encuentro di inspraak cu representante gubernamental y representacion for di e comite/plataforma riba e (isla)nan.

6. Ehecucion

E reglamento aki ta publica riba 1 di juni 2024 den Staatscourant y Staatsbladen di Aruba, Curaçao y Sint-Maarten y ta bira vigente riba 1 di juli 2024 00:00 ora di Hulanda Europeo. Pasobra esaki ta un reglamento for di Hulanda Europeo, ta conta e fecha di publicacion di Staatscourant.

Esaki ta un desviacion for di e termino minimo di implementacion. Esaki ta deseabel, pasobra ta importante cu e subsidio sea pidi y otorga riba e termino cortico. Existencia di e reglamento pa subsidio y su contenido ta comunica prome cu tempo na e comunidad di descendiente via un Catshuissessie na final di januari 2024 y consulta via internet. Esaki ta preveni consecuencia publico indeseabel notabel. Ta agrega aplicacion na expcion di e termino minimo di implementacion segun indicacion 4.17, di cinco parafo, bou di a, di Indicacion pa reglamentacion.

E reglamento pa subsidio ta keda nulo 1 di juli 2029. Despues di esaki, no ta tin mas periodo di aplicacion. Pero despues cu e reglamento keda nulo, ainda tin tempo pa ehecucion di actividad pasobra nan por tin un duracion maximo di 6 año.

⁶ PM adicion evaluacion regeldruk ATR

⁷ P.M. peticion pa conseho ATR (disponibel fin di maart 2024)

⁸ CARICOM TEN POINT PLAN FOR REPARATORY JUSTICE [CARICOM_Ten-Point_Plan_for_Reparatory_Justice.pdf \(ohchr.org\)](https://caricom.org/treasures-of-slavery-reparatory-justice-plan/)

⁹ P.M. update cu reaccion consulta via internet.

I. Splicacion Articulo pa Articulo

Articulo 1. Definicion di terminologia

Den cuadro di e reglamento aki ta uza e siguiente definicionnan pa e conceptonan 'descendencia', 'comunidad', 'pasado di sclavitud Trans-Atlantico' y 'organisacion grassroots':

Descendencia di esnan haci catibo

Descendencia di esnan haci catibo ta referi na e descendentenan di esnan cu den pasado a keda haci catibo. Den contexto di Pasado di Sclavitud Trans-Atlantico, e termino aki ta referi na e generacionnan cu a resulta for di e generacionnan Africano y Indigeno for di America y Marronnan cu a keda haci catibo entre 1528 y 1863/1873. E termino aki tambe ta enfatisa e continuidad historico di e inhumetia cu a causa pa medio di sclavitud y e efectonan largo termino riba e comunidadnan envvolvi. E ta reconoce tambe e importancia di comprende e herencia y influencia di sclavitud y aborda cuestion actual cu ta resulta di e historia aki, manera desigualdad socio-economico, discriminacion y trauma intergeneracional.

Comunidad

Comunidad den contexto di pasado di sclavitud ta referi na e grupo di hende cu historicamente a wordo afecta directamente pa sclavitud y e practica relaciona cu esaki. Esaki ta inclui descendente di esnan haci catibo y e grupo di hende cu, basa riba caracteristica comparti, interes of cu tin un sintimento de comunidad of conexion interpersonal.

Pasado di sclavitud Trans-Atlantico

E Pasado di Sclavitud Trans-Atlantico ta referi na e periodo historico (for di principio di siglo 16 te fin di siglo 19) den cua miyonnan di hende, mayormente for di Africa, a keda captura, trafica y haci catibo, y despues forsa pa traha riba plantacion, den minanan y den otro sectornan, particularmente den America (America del Norte y Sur), Africa y parti di Europa. E practica horibel di trafico di catibo a tuma luga entre siglo 15 y 19 y tabata un proceso sistematico di trafico di hende cu a tin un impak grandi riba e individuonan incliki y nan descendencianan. E ambito di e fondo cu e reglamento pa subsidio pa iniciativanan social ta parti di e Pasado di Sclavitud Trans-Atlantico; en caso di partidonan priva for di henter e Reino Hulandes y pa paisnan cu tin un relacion cu e pasado colonial Hulandes, manera cu ta e caso cu Suriname.

Organizacion grassroots

Organizacion grassroots den contexto di pasado di sclavitud ta referi na organizacion, instan cultural of social sin fin di beneficio (fundacion of asosaciociannan) cu a surgi na nivel local for di e comunidad di descendente di esnan haci catibo, y ta organisa pa pone atencion na cuestion specifico relaciona cu pasado di sclavitud na beneficio di descendente di esnan haci catibo. E organizacionnan aki generalmente ta esforsa nan mes pa conscientisacion, husticia, empowerment y cambio positivo permanente/ mihoracion den bida di descendencianan.

Articulo 2. Meta di Subsidio

E metanan di e reglamento pa subsidio aki ta conforme cu e metanan manera a menciona den reaccion di kabinet di 19 di december 2022.¹⁰

Articulo 4. Periodo di aplicacion

Limite di subsidio cu fiha den Articulo 4, di dos parafo, ta aplicabel e prome aña di e reglamento. Si e limite aki no yega den e prome periodo di aplicacion, e resto di e fondonan ta keda pa e siguiente periodo di aplicacion. E limitenan di subsidio a keda determina basa riba decision tuma pa representante di Aruba, Bonaire, Curaçao, Saba, Sint-Eustatius y Sint-Maarten door di reunion di inspraak. Aki a dicidi pa reparti e suma total di e reglamento pa subsidio den porcion igual entre tur seis isla. Esaki ta resulta den esaki:

¹⁰ Tweede Kamer, añavdi reunion 2022-2023, 36 284, nr. 1 <https://open.overheid.nl/documenten/ronl-a6b18a9d980649083437fdc086c48125c608be46/pdf>

- €33.333.333,33 / seis isla ta €5.555.555,55 pa cada isla pa e duracion total di e reglamento.
- Debi na e duracion di cinco año di e reglamento pa subsidio, esaki ta nifica €5.555.555,55 / cinco boekjaar pa cada isla. Esaki ta nifica un plafon di subsidio di €1.111.111,11 pa isla pa cada boekjaar.
- 2024 conoce un periodo di aplicacion; pa 2025 tin dos periodo di aplicacion planea. E plafon di subsidio pa cada isla pa e periodonan di aplicacion inclui den e reglamento ta resulta den €555.555,55 pa isla pa periodo di aplicacion.

Si no yega e plafon di subsidio di un di e categorianan manera menciona den articulo 4, di dos paragrafo, na fin di e di dos periodo di aplicacion, e fondonan por wordo uza pa pidi subsidio completo y na tempo cu a keda rechasa pa motibo di un luga abou riba e lista. Esaki ta nifica, por ehempel, cu ora tin aplicante cu no a keda selecta pa e voucher di profesionalisacion, ainda nan por cualifica pa dje si ta resulta cu no yega e plafon di subsidio pa e iniciativanan cu ta reforza comunidad. E asignacion aki ta tuma luga a base di e listanan di rangonan actual. E applicantenan cu ta mas halto riba e lista ta na turno prome.

A yega na decision pa tin dos periodo di aplicacion succesivo na 2024 pa duna oportunidad na e applicantenan cu no por logra haci un aplicacion den e prome periodo di aplicacion, un di dos opcion cu ta cay ainda den 2024.

E periodonan di aplicacion manera inclui den articulo 4 di e reglamento aki ta resulta den e siguiente:

Boekjaar	Number di periodo	Periodo di aplicacion
2024	1	1 di juli te cu 1 di september 2024
2025	2	1 di november 2024 te cu 1 di april 2025
2025	3	1 di mei te cu 1 di september 2025

A bini na decision pa no fiha ainda e periodonan restante den e reglamento pa laga e planificacion keda flexibel y pa por haci adaptacion durante duracion di e reglamento. Di e manera aki, e lesnan cu ta wordo siña despues di e planificacion di e prome periodo por wordo aplica den e planificacion di e siguiente periodonan. E datonan di e periodonan nobo di aplicacion lo wordo anuncia transparant y na ruim adelanta.

Articulo 6. Aplicante

No ta exclui pa como organizacion entrega diferente petision pa diferente proyecto. Solamente pa e voucher di profesionalisacion ta conta cu esaki por ser pidi solamente un biaha durante e mesun año calendario y en total por ser aplica p'e solamente dos biaha.

E reglamento aki ta pa aplicante cu ta registra den e parti Caribense di Reino.

Articulo 7. Suma di subsidio

Pa e aplicacionnan cu ta cay bou di articulo 4, prome y di dos parafo, tin un reparticion den cantidad di subsidio manera menciona den e parti general di e splicacion aki. Unda subsidio te na €25.000,- ta otorga basa riba loting, y e suma mas halto ta ordena a base di conseho di un comision.

Articulo 8. Aplicacion pa subsidio

E formulario electronico ta disponibel riba e website di PM.

Articulo 9. E ordenacion di aplicacion

Pa subsidio mas abou cu €25.000,- e orden di tur plicacion cu ta completo y na tempo ta determina door di loting. E loting ta tuma luga den presencia di un notario y minimo 2 observado. E loting ta documenta por escrito. E aplicacionnan mas halto ordena ta honra prome pa ricibi subsidio. Si cu tur aplicacion completo y na tempo e plafon di subsidio no ta sobrepara, e aplicacionnan ta otorga sin cu loting tuma luga.

Pa subsidio di €25.000,- y maximo €500.000,- un comision ta duna un conseho por escrito tocante e orden. E conseho aki ta wordo comunica por escrito cu e Secretario di Estado di Relacion Interno y Relacion di Reino. E decision final ta tuma door di e secretario di estado teniendo na cuenta e conseho di e comision.

Articulo 11. Criterionan di Evaluacion

E comision di conseho ta evalua e aplicacionnan riba e siguiente aspectonan:

- a. Aplicacion mester clarifica con e actividad ta conecta cu e meta presenta, manera stimulacion di conocimiento y conscientisacion tocante pasado di sclavitud, e frena di e consecuencianan di e impacto di e pasado di sclavitud den presente, e procesamento di pasado di sclavitud y reconocimiento y conmemoracion di pasado di sclavitud.
- b. Aplicacion pa subsidio ta evalua riba e probabilidad cu e metanan formula lo logra realmente. Aplicante mester demostra cu nan proyecto lo produci resultado concreto y lo tin un impacto significante.
- c. Evaluacion ta inclui atencion specifico na e grado den cua e proyecto ta beneficia descendiente di esnan haci catibo. Esaki por ta relaciona cu iniciativa/programa dirigi na e grupo aki y strategia pa aumenta envolvimento di e comunidad envolvi.
- d. Eficiencia di e actividad ta evalua relaciona cu e gastonan. Aplicante mester demostra cu e gastonan proponi ta den relacion cu loke kier alcansa y e impacto di e actividad. Un analisis di e gastonan relaciona cu e alcance den pidimento por ta util (un P*Q onderbouwing unda e diferente actividadnan y e gastonan calcula ta haci inzichtelijk).

Den e orden di aplicacion pa subsidio lo duna prioridad na proyecto y actividad unda cooperacion y conexion ta busca cu organisacion grassroots. Stimulacion di cooperacion cu e organizacionnan aki ta evalua como positivo, mirando nan rol importante na nivel local y nan envolvimento directo cu e comunidadnan cu influensia door di pasado di sclavitud.

Articulo 13. Metodo di otorgamento di subsidio

E metodo di otorgamento di subsidio den e reglamento aki ta sigui e reglanan pa otorgamento di subsidio manera ta describi den articulo 16, 17 y 18 di Kaderbesluit BZK-subsidies.

Articulo 16 ta trata di subsidio menos cu € 25.000. Un caracteristica di nan ta cu e subsidionan aki ta otorga den forma di un suma fiha. Pa motibo di esaki, e vouchernan di profesionalisacion ta determina directamente. E subsidio pa iniciativa social cu ta menos di € 25.000 ta paga 100% di e gastonan, pero e subsidio ta determina oficialmente na un momento manera indica den e decreto di otorga di subsidio. Den caso aki, sinembargo, e beneficiario di subsidio ta obliga pa raporta ora ta kere cu e actividad no por tuma luga na tempo of no por tuma luga completamente, of ora no por cumpli cu e obligacionnan di e reglamento.

Articulo 17 ta trata tocante subsidio di € 25.000 pa € 125.000. Contrario na subsidio cu ta menos di € 25.000 y subsidio di € 125.000 of mas, ta cu den e caso aki mester mustra di manera standard cu e actividadnan pa cual ta ricibi subsidio a tuma luga y cu a cumpli cu e obligacionnan relaciona cu e subsidio.

Articulo 18 ta relaciona cu subsidio di € 125.000 of mas. Aki, manera tambe den articulo 16 y 17, tin e obligacion pa raporta ora ta kere cu e actividadnan no por tuma luga. Sinembargo, e obligacion aki no ta aplica pa e voucher di profesionalisacion.

Informe di Progreso

Pa subsidio di € 25.000,- of mas unda e actividadnan ta dura mas cu un año, mester entrega un informe di progreso un biaha pa año. E informe aki ta mustra e progreso di e actividadnan. E obligacion aki ta regla den articulo 19 di e Kaderbesluit BZK-subsidies.

Costo Subsidiable

Solamente gasto cu tin relacion directo cu ehecucion di actividad. Esakinan mester ta rasonabel tambe pa e ehecucion di e actividad. Pa motibo di esaki, e aplicacion di subsidio mester ta respalda cu un specification di e gastonan cu por atribui na e actividad. Na e momento di fiamento di subsidio, minister ta controla si ta rasonabel cu e gastonan aki tuma luga, si nan tin un relacion directo cu ehecucion di actividad pa cual a ricibi subsidio y si nan ta gasto creibel. E proceso aki ta resulta for di articulo 6 di e Kaderbesluit BZK-subsidies.

Pago di recuperacion, compensacion of recompensa pa pasado di sclavitud no ta cualifica pa subsidio. Kabinet a scohe consientemente pa un gesto etico moral cu e regla aki pa motibo di e disculpa pa pasado di sclavitud. Na mes momento, kabinet ta keda activo envolvi den iniciativa pa promove antidiscriminacion y antirrasismo.

Articulo 14. Obligacion di beneficiario di subsidio

Ademas di e obligacionnan manera describi den articulo 16, tin obligacion pa e beneficiario di subsidio skirbi den articulo 21 di e Kaderbesluit BZK-subsidies. Segun e Kaderbesluit, e beneficiario di subsidio ta obliga:

- a. ehecuta e actividad manera describi den e decreto di otorgamento subsidio, of, si tin un decreto di fiamento di subsidio entrega directamente, manera describi den e fiamento di subsidio;
- b. cumpli cu e obligacionnan relaciona cu e subsidio cu ta impone pa minister;
- c. riba peticion di minister, duna cooperacion pa divulga e datonan y e resultadonan di e actividad subsidia, den caso cu no por spera su divulgacion rasonabelmente;
- d. riba peticion di minister, duna tur cooperacion pa un estudio di evaluacion institui pa minister relaciona cu e aplicacion y e efectonan di e decreto aki, cu minister rasonabelmente tin mester durante realizacion di e estudio di evaluacion aya;
- e. si un fondo di reserva a keda forma, mantene esaki di e manera mas seguro posibel;
- f. informa minister sin tardansa por escrito di entrega na rechtbank di un peticion pa aplica na dje e declaracion di regulacion di sanacion di debe pa persona natural, cu e fin pa surseance di pago na dje, of su declaracion di failliet;
- g. pa e actividadnan pa cual a ricibi subsidio y pa otro actividad, mantene un administracion separa;
- h. mantene e administracion cu a mantene den cuadro di duna subsidio cu a keda fiha cinco aña despues di e fecha di decreto di fiamento di subsidio, of, si ta trata di ayudo di estado, pa un otro termino cu a ser indica pa un reglamento ministerial of un decreto;
- i. riba peticion di minister, duna informacion adicional pa responsabilisacion na Comision Europeo, a base di e articolan 106, di dos y di tres parafo, 107 y 108 di Tratado concerniendo Werking di Union Europeo of un di cuadronan di sosten Europeo.

Secretario di Estado di Asunto Interno y Relacion den Reino